

## Naqqiut

### **Aalajangiiffigisassatut siunnersuummut 14. august 2024-meersumut taarsiut (Tusarniaanermut ullut siunnersuutillu taaguutaa aaqqinneqarput)**

Naalackersuisut Inatsisartut Suleriaasianni § 33 naapertorlugu aalajangiiffigisassatut siunnersuut ataani allaqqasoq maanna saqqummiutissavaat.

**Inatsisartut aalajangiiffigisassaattut siunnersuut, Kalaallit Nunaanni aningaasanik nuussinermi paasissutissat ilanngullugit nassiunneqartarnissaannik inatsisip allannqortinneqarnissaa pillugu, inatsisissatut siunnersuut.**

(Aningaasaqarnermut Akileraartarnermullu Naalackersuisoq)

### **Tunngavigisaq**

Aalajangiiffigisassatut siunnersuutikkut Namminersorlutik Oqartussat, aningaasanik nuussinermi paasissutissat ilanngullugit nassiunneqartarnissaannik, Kalaallit Nunaannut inatsisissatut siunnersuummik atuutsitsilernissaannut, tunngavoq.

Inatsisissatut siunnersuutip Europa-Parlamentip aamma Rådip aalajangersagaa (EU) 2023/1113 31. maj 2023-meersumi imarisai 30. december 2024-mit atuutilersissavai. Aalajangersagaq aningaasanik nuussinermut aalajangersagaq pingajuattut taaneqartarpoq.

Aalajangersakkami malittarisassat EU-p aalajangersagaanik 2015/847-mik annermik tunngaveqartillugit paasissutissat aningaasanik nuussinermi ilanngullugit nassiunneqartussat pillugit aalajangersagaavoq. Malittarisassat inatsit nr, 326, 30. marts 2019-ikkut atuutilersinneratigut Kalaallit Nunaannut atuutilerput. Malittarisassalli atuutilernerata kingorna arlalinnik allannguutitaqarpoq, taamaammallu aalajangersagaq nutaamik aalajangersagaliornikkut ilanngunneqassaaq.

Maanna aalajangersagaq atuuttoq aamma aalajangersagaq siunnersuutigineqartoq bankinik aamma aningaaserivinnik il.il. qarasaasiatigut aningaasanik nuussinerni akiliisumik aamma akiliiffigineqartumik paasissutissanik nassiussinissamut pequtigineqarpoq. Malittarisassani siunertaavoq, peqquserluutitigut aningaasarsianik malunnarunnaarsaasarnermik aamma pinerliiniarnernik aningaasalersuisarnermik akiuinissaaq. Tamatuma saniatigut malittarisassat aningaasaleeqataasartut innarligassaannqinnerannik, patajaassusaannik aamma siuneqassusaannik qularnaarinissamut ilapittuissapput.

Annerusumik allannguut tassaavoq, malittarisassat atuuffii aamma kryptonut, soorlu bitcoinsinut, aamma atuutilernerat. Taakku kryptot pigisatut taaneqartarput.

Kryptonik pigisanik tuniniaasartut aalajangersakkatigut pisisartuminnit paasissutissanik aallernissamut, katersinissamut aamma agguaanissamut peqquneqalissapput, qinnuigineqarunillu oqartussanut attuumassutilinnut paasissutissanik tunniussisassallutik.

Tamatumani siunertaq tassaavoq, kryptonik pigisanik nalunaarsuinissamik periarfissaqarnerulerneq.

Tamatuma saniatigut aningaasanik nuussinermi aalajangersakkap pingajuani unioqutitsinermi pissutsini sukannersumik pisuni akiligassiinerup saniatigut allamik pineqaatissiineq siunnersuutaavoq. Soorlu pineqaatissiinermut isertitsiviusinnaavoq. Taamaasilluni qaffasinnerusumik pineqaatissiineq pineqarpoq, ullumilu Danmarkimi aamma Savalimmiuni atuuttunut assigiilissalluni.

Malittarisassat maanna atuuttut atuutilertussallu Finansielle Aktionsgruppep (FATF) piunasaqaataannik aamma innersuutaannik kinguneqartunngorlugit atuutilersissavai. Aalajangiinissamut siunnersuummik atuutilersitsineq, nunatta piunasaqaammik malinninnissaanut aamma qularnaarissaaq.

Malittarisassat nunatsinnut atuutilinngippata, taakkulu EU-mi atuutilerpata, tamanna isumaqarpoq, nunatsinnut aningaasanik nuussinert nuna isumaqatigiissutip avataaniittut nuunneqartalissapput. Tamatuma kingunerissavaa, nuussinerni paasissutissat amerlanerit nassiunneqartalernerannik, tamannalu aningaasanik nuussinernik pisariunerulersitsissaaq. Ullumi nuussinert taakku nuna ilaasortatut ingerlanneqartarput.

### **Namminersorlutik Oqartussanut aningaasaqarnikkut kingunerisassat**

Paasissutissat, aningaasanik nuussinermi ilanngullugit nassiunneqartussat pillugit, Kalaallit Nunaannut inatsisissatut siunnersuut atuutilersinneqarnerani, Namminersorlutik Oqartussat aningaasaqarnerannut kinguneqassanngilaq.

### **Inuussutissarsiortunut il.il. aningaasaqarnikkut allaffissornikkullu kingunerisassat**

Malittarisassat atuutilinngippata, naalagaaffimmi nuussinerni paasissutissat amerlanerit nassiunneqartalernissaanut piunasaqaatitaqalissaaq, tamannalu nunatsinni aningaaserivinnut suliatigut ajornartorsiortitsisinnaavoq. Tamanna suliatigut ilungersunartitsisinnaavoq aningaaserivinnullu aningaasartuuteqarnerunermik kinguneqarsinnaalluni, ullumimi qallunaat aningaaseriviinik suleqatigiinnerup paasissutissanik pisarialinnik nassiussisinnaaneq periarfissaatinngilaa.

### **Tusarniaaneq**

Paasissutissat, aningaasanik nuussinermi ilanngullugit nassiunneqartussat pillugit, Kalaallit Nunaannut inatsisissatut siunnersuut, 14. junimit 19. julimut 2024 tusarniaaffigisassanut nassiunneqarpoq. Tusarniaaffigisat malittarisassanut siunnersuutigineqartunut ilanngussassaqaanngillat. Kukkunermi tusarniaanermi atortut piffissami taassumani tusarniaanermi iserfissiamut ilineqanngitsoorsimapput. Tassunga taarsiullugu piffissami 22.

augustimit 6. septembarip 2024-p tungaanut tusarniaanermi siunnersuut iserfissiamiitinneqarpoq. Malittarisassanut siunnersuutigineqartunut oqaaseqaatinik tigusaqartoqanngilaq.

### **Ilanngussaq**

1. Inatsisartut aalajangiiffigisassaattut siunnersuut, Kalaallit Nunaanni aningaasanik nuussinermi paasissutissat ilanngullugit nassiunneqartarnissaannik inatsisip allanngortinneqarnissaa pillugu, inatsisissatut siunnersuut.